



Broj: 01-04-24618-112-26/23 KM
Sarajevo, 12.02.2024. god.

SKUPŠTINA KANTONA SARAJEVO SARAJEVO

PREDMET: : Odgovor na „Zastupničko pitanje“

U prilogu dopisa dostavljamo Vam odgovor na postavljeno zastupničko pitanje u skladu sa Poslovníkom Skupštine Kantona Sarajevo od dana 11.09.2023. godine, a od strane zastupnice Danijele Kristić.

Pitanje:

"Podnosim inicijativu da se omogući i reguliše prijevoz učenica/ka iz MZ Brijesće

Obrazloženje:

Ovaj dio naselja (MZ Brijesće) pokriva dvije škole koje su poprilično udaljene (preko 4 km). Saobećaj do škole je nesiguran i prometan. Roditelji nižih razreda svoju djecu ne smiju poslati u školu same. To za roditelje predstavlja dodatni trošak jer nisu u mogućnosti da napuste svoj posao i da žive od samo jedne plate, nisu u mogućnosti da kupuju drugi automobil, troškove goriva, registracije i održava automobila. Uvođenjem prijevoza za učenike u ovom dijelu naselja olakšali bi svakodnevnicu roditeljima i ujedno riješili prijevoz za dvije škole. Učenici iz drugih dijelova koji pohađaju OŠ „Sokolje“ i OŠ „Behudin Selimović“ imaju obezbjeđen prijevoz učenika. Njihov prijevoz finansiran je od strane Vlade Kantona Sarajevo, i isti uplaćuje opština Novi Grad.

Moj plan, odnosno ruta koja bi pokrivala učenike koji pohađaju obje navedene škole.

Početna stanica – Deponije (okretaljka) - Brijesće Brdo – Sokolje – OŠ „Sokolje“ – Brijesće – OŠ „Behudin Selimović“.

Odgovor :

Zakonom o osnovnom odgoju i obrazovanju („Sl.Novine Kantona Sarajevo, br.23/17, 33/17, 30/19, 34/20 i 33/21) članom 64. propisan je način osiguranja prijevoza za redovne učenike javnih ustanova osnovnih škola, i to:

- u stavu 1) Osnivač škole kao javne ustanove posebnim sporazumom u saradnji sa Ministarstvom saobraćaja Kantona Sarajevo osigurava da učenik, koji stanuje na udaljenosti većoj od dva kilometra od škole koju pohađa, ima besplatan prijevoz;
- u stavu 2) Ako se učenik škole iz stava 1) ovog člana upiše u školu izvan školskog područja, osnivač nije dužan snositi troškove prijevoza učenika, s izuzetkom učenika koji pohađaju centre;
- u stavu 3) U slučaju da učenik ima većih problema u kretanju, Ministarstvo saobraćaja Kantona Sarajevo osigurava prijevoz redovnih učenika i na manjoj udaljenosti od dva

kilometra od škole koju pohađa i mjesta stanovanja učenika, i to korištenjem prijevoza kako je organiziran u školi koju pohađa i za učenike koji stanuju na udaljenosti većoj od dva kilometra;

- u stavu 4) Prijevoz učenika može se organizirati u sistemu redovnog linijskog prijevoza putnika ili vanlinijskog prijevoza putnika;
- Vanlinijski prijevoz za redovne učenike javnih ustanova osnovnih škola organizuje se za učenike koji pohađaju školu u školskom području, stanuju na udaljenosti većoj od dva kilometra od škole koju pohađaju i gdje nemaju uspostavljene redovne linije javnog linijskog prijevoza putnika za područje Kantona Sarajevo.

U skladu sa navedenim potpisan je Sporazum o saradnji između Ministarstva saobraćaja Kantona Sarajevo i Općine Novi Grad za osiguranje vanlinijskog prijevoza za redovne učenike javnih ustanova osnovnih škola, ako pohađaju školu u školskom području, koji stanuju na udaljenosti većoj od dva kilometra od škole koju pohađaju i gdje nemaju uspostavljene redovne linije javnog linijskog prijevoza putnika za područje Kantona Sarajevo.

Za učenike koji na pravcu kretanja od kuće do škole i obratno imaju mogućnost korištenja uspostavljenih redovnih linija javnog linijskog prijevoza putnika za područje Kantona Sarajevo, Ministarstvu saobraćaja Kantona Sarajevo postupajući po odredbama Zakona o osnovnom odgoju i obrazovanju („Službene novine Kantona Sarajevo br. 23/17), sa prijevoznicima KJKP "GRAS" d.o.o. Sarajevo i „Centrotmas Eurolines“ d.d. Sarajevo potpisalo je „Ugovor kojim se regulišu prava i obaveze ugovornih strana po osnovu prava subvencioniranja prijevoza učenika osnovnih škola kao javnih ustanova na području Kantona Sarajevo za period trajanja prvog polugodišta 2023/2024 školske godine”.

Školska područja OŠ Sokolje i OŠ Bahudin Selimović pokrivena su sa tri registrovane minibuske linije, i to: Otoka – Briješće, Stup – Sokolje i Otoka – Sokolje. Trase pomenutih linija su:

- Otoka – Briješće: Otoka – Otoka Tvin – Safeta Zajke – Dolačka – Klesar – Boljakov potok – GP Bosna – Elektrotehna – Briješće 1 – Raskršće – Izeta Karšića – Briješće (okretaljka) i obratno
- Stup – Sokolje: Stup – Bačići – Briješće – Kolonija – MZ Sokolje - Raskršće – Numan paše Ćuprilovića – Sokolje – Sokolje (okretnica) i obratno
- Otoka – Sokolje: Otoka – Otoka Tvin – Safeta Zajke – Dolačka – Klesar – Boljakov potok – GP Bosna – Elektrotehna – Briješće "I" – Briješće "II" – Kolonija – MZ Sokolje – Raskršnica Sokolje – Numan-paše Ćuprića – Sokolje I A – Sokolje (okretnica) i obratno.

Također, ukoliko nedostaju polasci u redu vožnje da bi se zadovoljile potrebe odlaska/povratak đaka u/iz školi na pomenutom registrovanim redu vožnje, Ministarstvo saobraćaja Kantona Sarajevo vodi stalne aktivnosti modifikacije mreže linija (uvođenje novih polazaka u redu vožnje, izmjena itinerera linije i dr.) a na osnovu zahtjeva općinskih službi uz uslov da za isto postoje opravdani razlozi te da tehničke karakteristike ceste ispunjavaju bezbjedonosne uslove.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, Fax: + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba